

SOMALI CANADIAN
ASSOCIATION
OF WATERLOO REGION

TAAGEERADA Bulshada



SOMALI CANADIAN
ASSOCIATION
OF WATERLOO REGION

SCAWR 2023
War-bixinta Saameynta

JADWALKA MACLUUMAADKA

ARARTA/AMA HOR-UDHACA AGAASIMAHA FULINTA	_____	Bogga - 04	AYADOO LOO MARAYO INDHAHA/ARAGTIGA SHAQAALAHA SCAWR	_____	Bogga - 12
XIGASHADA BULSHADA SCAWR	_____	Bogga - 06	ARAGTIDA SCAWR EE DADKA AY SHAQO WADAAGTA YIHIIN	_____	Bogga - 18
GUULAHA LA TAABAN KARO 2023	_____	Bogga - 08	ARAGTIDA HOYOYINKA SOOMAALIDA: BARNAMIJKA WAX AKHRISKA	_____	Bogga - 22
HORUDHAC	_____	Bogga - 10	ARAGTIDA DHALLINYERADA KA QEYBGASHA SCAWR	_____	Bogga - 26



ANNAGU MA AANAN AWOODI LAHEYN IN AAN SAMEYNO WAXA AAN SAMEYNEYNO ADINKA LA,AANTIIN.

Waxaan si qoto Dheer mahad ugu heynaa maalgeliyayaasha badan ee taageerey shaqada muhiimka ah ay SCAWR bulshada u heyso. Taageeradiina waxaanu ku dhiseynaa bulsho xoogan oo mideysan Taasoo qof weliba si loo siman yahay u heli karo adeegyada bulshada dhexdeeda ah.



LYLE S. HALLMAN
FOUNDATION



Aragtida

Marka laga hadlayo SCAWR, aragtidayadu waa in aan kobcineyno bulsho Soomaaliyeed oo mideysan oo barwaaqo ku leh Gobolka Waterloo.



Howlgalka

Hadafkayagu waa inaan dhiirigelino oo aan xoojino bulshadeena iyada oo loo marayo ka-qaybgal firfircoon, ka-qaybgal macno leh, iyo u-doodid iskaashi la leh ururrada guud.



SCAWR 2023
War-bixinta Saameynta

ARARTA/AMA HOR-UDHACA AGAASIMAHA FULINTA

Anigoo ah Agaasimaha Fulinta ee Cusub ee Ururka Somali Canadian association of Waterloo Region (SCAWR) oo waxaan aad ugu faraxsanahay inaan wadaagno warbixintenna saameynta leh iyo dhaxal-galka ururka Somali Canadian Association ee Gobolka Waterloo. Sharaf bey ii tahay in aan qeyb ka ahaado socdaalka ururka cajiibka ah, waday howlgal si loo dhiirigeliyo loona awoodsiiyo bulshadeena iyada oo loo marayo ka qaybqaadasho firfircoon, hawl micno leh, iyo iskaashi u doodid lala yeesho ururada guud. Waxaana naga go'an in aanu wax ka barano hogaamiyeyaasheena waayeelka ah ee caqliga leh ee dhidibada u dhigey waxa SCAWR maanta tahay. Waxaan sii wadi doonaa in aan dhisno quwadooda iyo in aan sawir ka qaadano xigmadooda si aan riyo weyn ugu riyoono mustaqbalka. Hawl iyo dadaal baa la geliyey si riyadaan looga dhigo mid rumowda horey iyo haatanba waxaana naga go'an wadiiqo mideysan oo horey loogu socdo.

SCAWR waxay sii waday inay isbeddesho sanadihii 30-kii sano ee ugu dambeeyay waxayna u adeegeen isbedelka bulshada. Iyadoo la marayo tobanan sano oo waayo-aragnimo ah oo ku saabsan bulshada, waxaan awoodnay inaanu bixino iyo inaan abuurno adeegyo ka jawaab-celinaya baahiyaha Bulshada. Dabeecadeena aasaasiga ah oo leh xubinnimo ballaaran, iskaashi-geenna ururada ee kala duwan, khibradeena muhiimka ah ee ururinta bulshada, iyo diiradda aan saarnay awoodsinta bulsho ee aanu u leenahay ayaa nagu dhiirrigelisay inaan ka fikirno oo aan kaga jawaabno cod midaysan. SCAWR waxay dhistay buundo si wax looga qabto baahiyaha bulshada iyada oo la

joogteynayo iskaashi xoogan oo ay la leeyihiin hay'ado kala duwan sida Adeegga Booliska Gobolka Waterloo, United for Literacy, WRDSB, Camino oo ah Magaalada Kitchener, Adeegyada Qoyska & Carruurta, Project Read, TLG iyo ururro kale oo badan oo bulshada ah.

Sanadkaan wax aan hagnay nidaamyo adag oo aynu la shaqeyneyno bulshada kallana shaqeyneyno xallal ku qotoma awooda bulshada, diiradana lasaarey guryo la awoodi karo dadna ku fillan, la kordhiyeyna baahida caafimaaka maskaxda iyo keli ahaanshaha, qiimaha nololeed ee sii kordhaya, sidoo kale sinnaan la'aanta midab takoorka, bulshadda, iyo kala sooc laamaha nidaamka. Waxaan baranay in aanan dhibaatooyinka bulshada ku xallin karin maskax shaqsiyadeed balse loo marayo hab-dhismeed wadajir ah oo lagu dhiso kalsooni guud ahaan nidaamyada, iyo in la helo habab lagu dhiso bulshada oo wadajir ah.


Warbixintan Saameynta ah waxay u dabaaldegeysaa waxqabadkeenna, tariikhdeena, dhaxalka SCAWR, waxayna muujineysaa shaqada saameynta leh ee hadda ka socota Ururka Soomaali Canadian Association ee Gobolka Waterloo. Waxaanu ku faaneynaa in aan soo gudbino guul cajiib ah; annaga oo adeegsanayna iskaashi aan la leenahay Gobolka Waterloo, 30 qoys oo Soomaali ah ayaa laga taageerey barnaamijka la magac baxay Dhisida Mustaqbal Fiican ee barnaamijka kaabaha kirada, yareynta culeyska dhaqaale iyo taageeridda helitaanka qoysaskaas si ay u helaan deegaan ku filan.



SCAWR 2023 War-bixinta Saameynta

Dhammaanteen waxaan gaarnay ilaa iyo hadda waa natijada ka go'anaanta shaqaalaheena iyo dadaalka ay u qabaan daryeelka macmiilka, dareenka mutadawiciinta, taageerada deeqsinimada leh ee maalgaliyeyaasheena, ka qayb qaadashada iyo ku luglaaanshaha bulshada aan u adeegno, iyo diyaarinta saaxiibadeena si aan u qabano shaqada adag oo ay la garab taagan yihiin SCAWR ee bulshada. Annagu ma aanu qaban karin shaqadan ADINKA la'aantiin! Mahadsanadiin! Waad ku mahadsan tihii inaad nala wada socotaan safarkan - tani waa uun bilowgii - waxaana rajeyneynaa dhammaan wixii aan midnimada ku gaari doonno.

Mahadnaqid
Faduma Musse
Agaasimaha Fulinta ee SCAWR



Faduma



**Annagu ma aanu qaban karin shaqadan
ADINKA la'aantiin! Mahadsanadiin!**

**Waad ku mahadsan tihii inaad nala
wada socotaan safarkan - tani waa
uun bilowgii - waxaana rajeyneynaa
dhammaan wixii aan midnimada
ku gaari doonno.**



**MUUQAALKA WARBIK-
INEEDKA SAAMEYNTA**



**DAAWO
HALKAN!**

Caqabadaha ay wajahaan xubnaha bulshada & guud ahaan sida AY SCAWR wax uga qabato arrintan

“

Waanu ka faa'ideysaney dhamaan barnaamijyada gaar ahaan barnaamijka shaqada guri. Waxaan awoodaa in caruurteyda si bilaash ah wax iigu bartaan. Waxey halkaan yimaadaan labbo jeer asbuucii; waxey la kulmaan dadkooda ayagoo isla markaasna wax baranaya.
~ Feynus

“

Waxaan u baahan nahay bulsho si aan isugu imaano ama kullano. Qof kasta wuxuu u baahan yahay bulsho. Ma ahaan kartid bulsho la,aan.
- Hanan Roble

Waa dariiq wanaagsan in ay Soomaalida diirada saaraan sidii uu midba midka kale ugu xirnaan lahaa. Midba kan kale wuu fahmaa maxaa yeeley waxaan wada wadaagnaa diin iyo dhaqan, sidaa darteed waxaa inoo fiican in aan isku xirnaano.
- Hanan

”



Dareen Ishaan
ee bulshada dhexdeeda ah.

“

Dhabtii waan ku liitaa xisaabta. Hadaba Daryl, ninka dadka ka caawiya barnaamijka shaqada guri, ayaa xaqiqladii caawinaya, waxaa kaloo jira baryaal badan oo sidlisa oo kale ah kuwaasoo sidoo kale iga caawiya xisaabta.
- Hanan Roble

Waan ka faa'ideystey barnaamijkaan gaar ahaan kan akhriska, waxaan awoodey in aan horumarlo buundooyinkeeyga sidoo kale la bulshadeeyo gayaankeeyga
- Ahlaam

Barnaamijka shaqada guri wuxuu iga caawiyey in aan horumarlo buundooyinkeey in badan.
- Amira

Waxey u maleynayaa in ay muhiim tahay in si weyn looga mid ahaado maxaa yeeley barnaamijyo badan oo lamid ah ma heysano. Hadaba si qeyb wax looga noqdo/ waa in la heystaa bulsho halkaasoo dadka taageero isugu imaano karaan, ama hadii wax loo baahdo. Had iyo jeeraale waa muhiim in la heysto bulsho.
- Ahlaam

Waxaan qeyb ka ahay barnaamijka shaqada guri iyo kubada kolleyga ee gabdhaha taasoo laqabto sabbiyada. Waxaa is leeyahay in aan wax badan ka bartey SCAWR sameysteyna asxaab badan inta mudadaan lagu guda jirey.
- Ashwaaq

”

“

Xaqiqlikii waan jeclahay dareenka bulshada aan heysano, sidoo kale waxaan dhabtii arkey buuxinta lagu xallinayo baahiyaha guryaha ee xubnaha bulshada, iyo in aan qeyb ka noqono urur kaaso taageera awoodna siiyo bulshada.
- Ayan

Dhamaan wajibaadyada aan halkaan ka qabano si qalbi ah baan ugu raaxaysataa... shaqooyinka kalla duwan oo ay Soomaali Community qabanayaan waa kuwo aan la cabiri Karin.
- Jamac

“


Waxa aan aadka ugu jeclahaya ee la shaqeynta SCAWR ayaa waxey tahay in aan arko xubnaha bulshada, ama qof kasta oo baahiyo qabo, oo hadana baahiyahooda la xalliyeey, iyo in lasiiyo taageerada ay u baahan yihiin.
- Abdirazak



“


Waxa aan ugu jeclahay ka mid ahaanshaheeyga SCAWR ayaa waxey tahay in aan awood siiyo bulshada Soomaaliyeed taasoo aan anigu ka soo jeedo. Aad baan ugu farxsanahay in aan arko xogaanka iyo qaab-dhismeedka iyo in uu ururka korayo uuna horumarayo. Waan ku faraxsanahay in aan arko dhamaan dhallinyerada iyo caruurta kuwaasoo xaatan ka qeybgalaya barnaamijyada si ay u noqdaan hogaamiyayaasha cusub iyo mustaqbalka beri ee SCAWR.
- Faduma Muse

Koritaanka shaqsi ahaaneed/qiimaha shaqo (wadashaqeyyayaasha iyo shaqaalaha SCAWR



ADEEGYADA TOOSKA AH EE LA BIXIYEEY


63%	ADEEGYADA SOGDAALKA	4%	WAXBARASHADA
21%	GURYEYNTA	4%	KUWO KALE
5%	SHAQAALEYSIINTA	3%	GAAFIMAADKA



BALLAMAHA ADEEGYADA TOOSKA AH/ JINSI AHAAN NOVEMBER 2022 - 2023

FEMALE
MALE


62% SHAQSI AHAAN
36% TALEEFOON
1% IIMEYL



WADIIQOYINKA BALLAMAHA XIRIIRADA NOVEMBER 2022 - 2023



Waxaan baraney in dhibaatooyinka bulshada aan lagu xalin Karin si shaqsi ahaaneed balse lagu xalin karo si wadar ah taasoo aaminaad ka dhex dhiseyso guud ahaan nidaamka, iyo in la helo wadiiqooyin bulshada si wada jir ah loo xaliyo.



BALLAMAHA ADEEGYADA TOOSKA AH/ JINSI AHAAN NOVEMBER 2022 - 2023

FEMALE
MALE



2023

Guulaha la taaban karo

300

shaqsiyood ayaa la siiyey adeeg toos ah lagan siiyey xafiiska

30

qoys oo Soomaali ah ayaa laga taageerey banaamijka Dhisada Mustaqbal Fiican

Adeegyada tooska ah ayaa lasii yey

1,042+

kuwa imaada ballan la, aan iyo ballan ayna caawiyeen shaqaalaha

Xagaagan waxa aan awoodney in aan taageerno shaqaaleysiin mid gudaha ah iyo mid dibada ah

25 dhallanyero oo Soomaali ah

In kabadan

30 qoys ayaa laga

taageerey barnaamijka akhriska ayadoo loo marayo

In kabadan

55 ardey ayaa laga

taageerey barnaamijka shaqo guri ayadooy nagu wehliya Camino iyo United for Literacy inta da,dooda u dhexeyso 8-18 sanno.

In kabadan

80 dhallinyero iyo caruur ah baa ka qeybqaadatey marnaamijka isboortiska kuwasoo da, doodu u dhexeyso:



BARNAAMIJYADAN WAXEY ISUGU JIRAAN:



KUBADA KOLEYGA GABDHANA DA,

DOODU TAHAY 8 - 18;

30 AYAA KA SOO QEYBGALLEY



KUBADA KOLLEYGA WIILASHA DA,

DOODU TAHAY 16 IYO KA WEYN;

20 AYAA KASOO QEYBGASHEY



KUBADA CAGTA WIILASHA DA,

DOODU TAHAY 8 - 20;

30 AYAA KASOO QEYBGASHEY

HORUDHAC

Dalka Canada, tirada dadka soomalida ee Canada waxay isku sharfayaan taariikh hodan ku ah degitaan, oo ay ku qotonto jilal badan oo soo galooti ah dhamaan mawjadaha kala duwan ee muhaajiriin ah. Waqtigan xaadirka ah waxaa jira qiyaastii 38,000 oo Soomaali jiilka koowaad ah, 27,000 oo qof ahna jiilka labada iyo 600 oo qof oo jiilka sedexaad ah oo dhammaan asal ahaan kasoo jeeda Soomaali. Jaaliyadda Soomaaliyeed ee kusoo kordhaysa gobolka Waterloo oo tiradoodu ay tahay qiyaasta 1,795 qof, waa dad kala duwan, adkeysanaya oo ku kordhaya inkastoo ay taariikh ahaan la dhaceen caqabado dhowr ah oo si qotodheer u saameeyay noloshooda maalinlaha ah iyo is dhexgalka bulshada guud.

Caqabadaha afka ee xubnaha bulshada qaarkood waxay abuuraan caqabado ku aaddan helitaanka macluumaadka iyo adeegyada muhiimka ah, sida kuwa diiradda lagu saarayo taageerada socdaalka iyo shaqo-abuurka. Intaas waxaa sii dheer, la qabsiga dhaqan cusub iyadoo lala kulmo takoorka ama taageero la'aanta dhaqan ahaaneed ee xasaasiga u ah in ay caqabad weyn ku tahay maritaanka khayraadka iyo nidaamyada, in badan oo ka mid ah bulshadu waxay waayeen wacyigelin guud oo ku saabsan xuquuqdooda, dhaqaalaha iyo adeegyada ay xaq u leeyihiin, waxayna inta badan is arkaan inay raadsadaan dareen ay ku sax yihiin gudaha iyo dibadda bulshadooda afafka iyo dhaqanada kalla duwan leh.

Ayadoo la tixgelinayo waayo-aragnimadooda ay soo mareen 73 dhalinyaro ah

oo ku sugan gobolka Waterloo kuwaas oo siiyey SCAWR jawaab-celintooda ku aaddan indha indheeyta dhallinyarada Madowga ee muslimka ah, kuwaas oo ay badankood yihiin Soomaali, waxaa jira dhowr isbeddelo walaac ah. Qayb aad u muhiim ah - 32 boqolkiiba - ka mid ah dadka soo jawaabay waxay muujiyeen in caafimaadkooda maskaxdu uusan ahayn mid wanaagsan ama aad u fiican, iyadoo 13% ay si gaar ah u xuseen caafimaadka dhimirka oo liita. Intaas waxaa sii dheer, 43 boqolkiiba waxay dareemeen in aysan si raaxo leh uga la hadli karin caafimaadka maskaxda ama dhibaatooyinkooda shakhsiga ah waalidkood ama kuwa ay jecelyihiin

Sidoo kale, waxbarashada iyo nabadgelyada, ayaa la xusay caqabado. Boqolkiiba 40 waxay soo sheegeen in ay wajahayaan faandaruno la xiriira jinsiyadooda ama diintooda marka ay joogaan goobaha shaqada, iyo boqolkiiba oo ku habboon si joogto ah kuma riyaaqin ka qayb galka fasalada. In lamid ah boqolkiiba inta hore ayaa waxaa ay qeexeen in uu danbiyada ku badanayo bulshadooda dhexdeed si aan loo meel deyin ayeyna u saameysey dhaliyarada madowga ee muslimiinta ah.

Walaaca ku aadan mustaqbalka, taasoo isugu jirta hiigsiga mustaqbal shaqo iyo mid iskuulba, miisaanku aad buu oga badnaa 70 boqolkiiba dadka soo jawaabey, muujinaya dareen culus oo hubaal la'aan ah. Intaa waxaa dheer, 19 boqolkiiba waxey tilmaameen in aysan jirin helitaan joogto ah ee taageerida waxbarashada qoysaska iyo 22 boqolkiiba waxey ka dhawaajiyeen in aysan xi-



SCAWR 2023 War-bixinta Saameynta

riir wanaagsan la yeelaan macalmiinta. Qodobbadaan xogtu waxay hoosta ka xariiqayaan caqabadaha kala duwan ee ay la kulmaan dhalingarada Soomaaliyeed ee ku sugan gobolka Waterloo. Ka turjumaya caqabadaha caafimaadka maskaxda ka jira, kaalmada qoyska, waxbarashada, takoorida, ay la jaan qaadaan hiigsigooda mustaqbal.

Tan iyo markii la aas aasey SCAWR waxey door muhiim ah ka cayaartey buundada isku xirta xubnaha bulshada iyo bulshada Canada. Ayadoo sidoo kale u ololeynaya kaalintooda sinaanta iyo awood siinta. SCAWR waxey bixisaa adeegyo la xiriira dhaqanada iyo luuqadaha xasaasiga ah, barnaamijyo iyo gudbin tiro badan oo shaqsiyaad Soomaaliyeed ah oo raadinaya caawimaad iyo in lagu xiro bulshadooda ee Gobolka Waterloo.

In la taageero dadaalada SCAWR eek u aadan fahamka wanaagsan ee bulshada Soomaaliyeed iyo maqaamkooda, waxey u baahan tahay khibrada, labbo lataliye ayaa la shaqaaleysiyeey si ay u horseedaan xogta diirada lagu saarayo xog aruurinta xubnaha bulshada Soomaaliyeed sida shaqaalaha SCAWR, dumarka iyo hooyooyinka Soomaaliyeed, ciyaalka iyo dhallinyerada. Qiyaas ahaan 58 oo xubnaha bulshada ah ayaa ka qeybqaatey wada-hadal kooxedyada. Jawaab-celintooda oo ay weheliso xogta kale ee kormeerka barnaamijyada, waxey SCAWR u ogolaaneysaa inay ka fikirto una ololeyso si-dii ay u heli lahaayeen bulsho Soomaaliyeed oo awood badan ku leh Gobolka Waterloo.



AYADOO LOO MARAYO INDHAHA/ARAGTIGA SHAQAALAHA SCAWR

Nidaamka adeega ee ka jira Gobolka Waterloo wuxuu inta badan ku dhacaa si gaabis ah marka la doonayo in laga jawaabo baahiyaha iyo daruufaha xubnaha bulshada. Tani waxay si gaar ah uga run tahay xubnaha bulshada la haybsooco, kuwa cusub iyo kuwa ugu horrayn ka hadla afkooda hooyo. Saamaynta guud ee caqabadahan ayaa horseeday in qaar ka mid ah xubnaha bulshada ay ka fikiraan inay ka baxaan gobolka Waterloo, iyo mararka qaar, Canada.

Tusaale ahaan xaaladaha degaanku waa arrin muhiim u ah dad badan oo deggan Gobolka Waterloo. Tan ugu horeyn waxaa Kalifa mudada dheer ee lasugayo guryaha bulshada, taasoo kordhisey culeys dhaqaale iyo dareen rajo la,aan ah kuna ah dadka deegaanka. Dhanka kale bulshada Soomaaliyeed dhexdeeda, Dhanka kale, bulshada Soomaaliyeed dhexdeeda, wacyigelin

la'aanta ku aaddan xuquuqda sharciga iyo ilaalintu waxay gacan ka geysatay dhibaatooyin ka dhan ah deganaanshaha iyo ka saarista oo ay xuseen xubnaha ka tirsan ururka SCAWR inay yihiin kuwo sii kordhaya

Intaa waxaa dheer, bulshada waxey wajahaysaa caqabado dhanka bulsho iyo mid qaab dhismeed ahaaneed, takoor ka dhex jira goobaha waxbarashada, iyadoo ay si naxdin leh u kordheen ardeyda soo sheegeysa takoor iyo islaam naceeb. Iskuulada waxaa soo if baxaya dembiyada la xiriira naceybka iyo maagida ayadoo tiro ka mid ah waalidiinta ay ka walaacsan yihiin natijada kiisaska la keeney.

26%

boqorkiiba dhalinyerada madowga ee muslimiinta ah ee jawaabta bixiyey waxey sheegeen in ay la kulmeen caqabado xayiraado la xiriira in ay helaan fursado shaqo taasoo sabab u tahay takoorka ku wajahan diinta ay kasoo jeedaan ama is waafajin la,aanta ka dhaxeysa diintooda iyo goobta shaqada

40%

boqorkiiba dhalinyerada madowga ee muslimiinta ah ee jawaabta bixiyey waxey sheegeen in ay goobaha shaqada kula kulmaan fikir khaldan oo huwan ah iyo eex

46%

boqorkiiba dhalinyerada madowga ah ee muslimiinta ee jawaabta bixiyey waxey dareemayaa in heerarka dembiyada ee bulshadooda si aan loo meel deyin saameyn ugu leeyihiin dhalinyerada madowga ee muslimiinta ah



Xubnaha bulshada Soomaaliyeed ma haystaan si siman oo ay u helaan adeegyada dawladda. Tusaale ahaan qofka madawga ah ee dalka ku cusub ma awoodo inuu helo adeegyo sida ay ugu fududahay dadka halkaan kasoo jeeda waxaa intaa dheer, adeegyadu waa gabaabsi sababtoo ah waxey ku saleysan yihiin nolol qiimo jaban, taasina waxey caqabado joogto ah u abuureysaa bulshada taasoo sii xumeyneysa helitaanka gaabiskaan.



Caqabadaha kale ee jira waxaa ka mid ah farqiga ka jira xirfadaha iyo waxbarashada oo hor istaagaya isdhexgalka suuqa shaqada, takoorka shaqada ee ku saleysan dhaqanka ama diiniga ah ee loo hayo dumarka Soomaaliyeed iyo in aysan heysan daryeelka caruurta oo ay awoodi karaan taasoo hor istaageysa ka qeybgalkooda ku aadan xoogsiga shaqada, lana sii xariirta caqabadaha caafimaadka maskaxda keenteyna keli ahaanshaha iyo awooda xadidan ee lagu dhex daro xubnaha bulshada dhexdeeda.

Qaabka istiraajiyada mudnaansiinta SCAWR ee kor u qaadista taageerada waxyaabaha xasaasiga ku ah dhaqanka, ayadoo laga dalbanayo xafiiskoo ku yeel gudaha magaalada iyo barnaamijyada aagagga ay degan yihiin bulshada Soomaaliyeed, ayaa dad badan u caddeeyay inay qalab u yihiin.

Aas aasida goob dhexe, kana hawlgalaan gaadiidka dadweynaha daboolana Cambridge, Kitchener iyo Waterloo ayaa bulsho weynta soomaaliyeed siiyey suurta galnimo cusub, taageerada tooska ah ay bixiyaan shaqaalaha kuwaasoo fahmey caqabadahooda, awoodooda, iyo baahidooda dhaqan ayaa loo tixgeliyey si qiimo leh. Marin-galkan oo sare loo qaaday, oo ay weheliso adeegyadda afka Soomaaliga, ayaa kordhisay dareen rajo iyo raaxo ka dhalata bulshada dhexdeeda, taasoo ku dhiirigelineysay inay si furan ula wadaagaan caqabadaha iyo baahiyahooda si kalsooni leh oo ay wax uga qaban karaan Shaqaalaha SCAWR.

Xubnaha shaqaalaha waxay si aad ah u dabagal ku sameeyaan shakhsiyadka ay taageerayaan, iyagoo bixinaya adeegyo toos ah iyo caawimaad ku aadan ku hagida hababka adaga sida hanaanka socdaalka ee deganaanshaha joogtada ah. Ujeedada ayaa ah in la caawiyo kuwo bulshada ka midka ah ee lagayaabo in uu dhaco maroor dilaac. In la arko saameynta togan ee dhiiri geliinta iyo niyad-wanaaga bulshada dhexdeeda ku yeelaneysa ayaa ah abaalmarinta gaarka ah ee shaqaalaha, bixinaya dareen wada-wadaag ee dhimistirka iyo mahadnaqa isugu jira.



waxaa caqabado iga soo mareen usoo socdaalideydi Canada markii aan sagaal jir ahaa. Waxeyna aheyd in aan caawiyo hooyadey si ay u hesho adeegyada. Mana aanan heysan hayad sida SCAWR ee na caawisa. Waxaana sameyn jirey turjumis iyo in aan buuxiyo dukumintiyada socdaalka mana aanan fahmeynin. In aan caawiyo qoysas kallene waxey illa aheyd aduunyo kale



Shaqaalaha SCAWR waxey si weyn isha ugu hayaan yareynta shidada, walaaca, iyo diiqada dereen ee shaqsiyaadka helaya adeegyada tooska ah. Samatabixinta ee wajida kalla duwan leh, ayaa had iyo jeer ka imaata kaalmo u muuqata mid yer. Tusaale ahaan, in laga caawiyo shaqsiyaadka lasiiyey waraaqda ay guriga oga baxayaan, sida la xiriirista masuuliyiinta gobolka ama xogwadaaga, ayaa si muuqata u yareysa shidada iyo hubanti la,aanta . shaqaalaha waxey maanta rumeysan yihiin in ay shaqadooda leedahay micno buuxa maadaama ay jirto shaqaalaha adeega ku bixiya afsoomaaliga ee hayadaha kale ee ka hawlgalka Gobolka Waterloo.

Doorka hayadaha dhan olole ahaan ayaa xitaa sii kortey sannadadaan, taas oo calaamad u ah codka bulshada Soomaaliyeed oo ay ka muuqato caqabado dhismeed iyo nidaam ahaanba, xubanaha shaqaalaha ayaa raadinaya in ay fududeeyaan awoodsiinta ku wajahan ololeeynta iyadoo bulshadu ay sii wadaan inay la tacaalaan eexasho iyo dhinacyo cad oo ku salaysan jinsiyadooda,xaalada socdaalka, xirfadaha luuqada iyo asalka diinta.



Sida laga soo xigtay shaqaalaha SCAWR, barnaamijyadooda iyo adeegyadooda waxay si weyn uga qayb qaataan kobcinta dareen ka mid ahaanshaha ka-qaybgalayaasha. Ka shaqeynta safka hore iyo heerarka nidaamyada labadaba, SCAWR waxay si firfircoon u sameysaa iskaashi lala yeesho ururo badan, hay'adaha dawladda hoose, iyo shabakadaha qorshaynta. Waxaa xusid mudan, ka mid ahaanshahooda sida Children and Youth Planning Table of Waterloo Region (CYPT), in kabadan 60 hayadood oo maxali ah ayaa garab taagan codka bulshada Soomaaliyeed ee go,aan gaarista iyo nidaamka dowlad deeganka. Iskaashiga hay'adaha kala duwan ee adeeg bixinta, SCAWR waxay buuxisaa farqiga macluumaadka, iyadoo xaqiijineysa in adeegyadu ay gaaraan dadka nugul ama la haybsoocayo ee Soomaaliyeed

Intaa waxaa dheer, dadaallada iskaashiga ee ururku la leeyahay saaxiibada iyo awooddooda ay u leeyihiin inay si firfircoon uga qayb qaataan una dhageystaan baahiyaha bulshada ayaa dhaliyay natiijoyin lama filaan ah. Waxaa xusid mudan in SCAWR ay goob joog ka tahay bulsho aan Soomaali ahayn oo sii kordheysa, kuwaas oo taageero doon doonayay, sababo la xiriira talooyin erey-bixin ah oo ka timid saaxiibadooda Soomaaliyeed. Tani waxey si hufan adeegyada ugu gudbineysaa bulshooyinka kasoo jeeda bariga Africa iyo kooxyo kalla duwan sida Siiriyaanka, Naayjeeriyaanka, iyo kuwo kale, taasoo hoga tusaaleyneysa ka go,naanshaha SCAWR ee furnaanta iyo awoodistaba leh. Mid ka mid ah shaqaalaha ayaa carabka ku adkeeyey:



TAAGEERADA BULSHADA

Irdahaanaga waxey u furan yihiin qof kasta- bulshada Soomaaliyeed waa bulsho hadalka isla wadaaga xubanaha bulshadeenuna waa kuwo firfircoon kuna firfircoon gudaha iyo dibada ee bulshada Soomaalida ah



Marka la eego dhinaca mustaqbalka, SCAWR waxey ku fikireysaa wajahaad mideysan oo kusii wajahan si mideysan, deegaan ahaan, gobol ahaan, heer federal ahaan iyo mid caalamba, taasoo u jeedadeedu tahay in fursado loo abuuro bulshada Soomaaliyeed in ay waxna iska bartaan ooyna is ku caawiyaan. Tani waxey billaabaysaa qirida baahida loo qabo in la helo xogta deegaanka ee bulshada Soomaaliyeed si loo qaabeeyo barnaamijyada si wax tar lex.

Maadaama caafimaadka maskaxdu uu weli yahay walaac weyn bulshada dhexdeeda, SCAWR waxay doonaysaa inay u qondeyso maalgelinta mustaqbalka si loogu qondeeyo barnaamijyada wax ka qabashada baahiyahaas. Waxaa intaa dheer in ay maal-gashi ku sameeyaan is-dhexgalka iyo ka-qaybgalka suuqa shaqada ee bulshada Soomaaliyeed iyada oo loo marayo waxbarashada

iyo kaalmada ka go,naanshaha. Tallaabooyinka mustaqbalka waxaa sidoo kale ka mid noqon kara in dib la isugu xiro bulshooyinka Soomaalida ah ee Gobolka Waterloo ku sugan iyo qoysaskooda dibada ku sugan ayadoo loo barayo dib u mideynta hababka kafaalashada.

Aas aasida Xarun dhexe ee bulsho ayna iska leeyihiin bulshada Soomaaliyeed, lana mid ah kuwa kooxyaha dhaqan ee kale leeyihiin sida kooxda Bortiqiiska, ayaa ah hadafka dheer ee SCAWR ku fikireyso. Xaruntan oo lahelaa waxay sii xoojineysaa barnaamijyada hada jira, in ay bixiso bar kulan bulshada ka qeybqaadato laguna taageero, iyo in la sii xoojiyo wadajirka iyo midnimada bulshada Soomaaliyeed dhexdeeda.



Anigoo horey eegaya, waxaan rajo weyn la garab joogaa, in hadii SCAWR hesho kheyraad ama illo ay awoodi doonto in ay xal ka gaarto saameynta maxaliga ah, ayadoo gaari karta shaqooyin muhiim ah oo ku aadan baahida Gobolka iyo hami la,aanta, waxeyse gacan ka geysan kartaa heer caalami ah In ay SCAWR noqoto xooga isbedelka wanaagsan ee heyndaabka bulshada aya ah himilo xiiso iyo mid qoto dheer



Heer shaqsi ahaaneed, xubnaha shaqaalaha ayaa la wadaagay in ay ku faraxsan yihiin in ay ku lug leeyihiin ururka SCWAR oo ay dareemayaan dareen xoo-gan oo ah in ay ku abtirsadaan ururka gudihiisa. Awooddooda ay ku arkaan isbeddello la taaban karo oo ku yimid nolosha dadka ay caawiyaan ayaa waxay kobcisay farxad iyo xiisado ay shaqadooda ku hayaan. Isla markaasna, dada-alka guud ee kooxda ee ku aaddan bulshada iyo habka wadajirka ah ee xalinta dhibaataada ayaa abuurta jawi u sahla horumarinta xirfadooda.

Dad badan oo ka mid ah shaqaalaha, in kaalmo toos ah la siiyo qoysaska ku jira adeegyada ka shaqeeya waxay keenaysaa dareen ah isu dhawaanshaha qoysaska oo si qoto dheer u macquulsan sababtoo ah waayo-aragnimadooda shakhsi ahaaneed ee wajahaya caqabadaha la xiriira socdaalka. Heshiiskan waxa dib loogu xoojinayaa iyada oo loo maraayo u doodista qoysaska la kulma caqabadaha la midka ah, khaas ahaan kuwa la xiriira is-gaadhshiintu ama adeegyadda sharciga iyo guryaha.

Markhaatifurka iyo qisooyinka saameynta leh ee ay shaqaalaha wadaagaan ayaa waxay muujiyeen farajiga baaxadda leh ee lagu sameeyay nolosha shakhsiyaadka iyada oo loo marayo faragalinta SCAWR. Tabaaburada meesha dadka cusubi ay la kulmaan caqabadaha bureaucratic-ka dib imaanshaha Kanada ama shakhsiyaadka la kulma ka saarista aan sharciga ahayn waxay tusaale u noqonayaan doorka muhiimka ah ee ay ciyaartay SCAWR si loo xalliyo arrimaha adag. Iyada oo loo marayo u doodidda, xiriirka-dhisidda ee adeeg bixiyayaa-sha, iyo taageerada dadaalka leh, SCAWR waxay si wax ku ool ah wax uga qabataa caqabadaha afka, ceebeynta jinsiyadeed, iyo caqabadaha nidaamka, ugu dambeyntii awood u siinta shakhsiyaadka inay helaan adeegyada lagama maarmaanka ah, guriyeynta ammaan, iyo inay si guul leh u maraan hababka xafiisyada.



in lala shaqeeyo shaqsiyaad-kan ka go,naanshaha leh keli ah iima ogolaanin in aan si wanaagsan wax ula qabto bulshada Soomaalida Canada balse waxey ii aheyd fursad weyn oo aan wax ku barto . aad baan ugu faraxsanahay hadafka ah in aan sii joogteeyo waxbarashada iyo koritaanka, ayadoo lala qabo hamiga ah saameyn waarta kooxda iyo macaamiisha loo adeego



ARAGTIDA SCAWR EE DADKA AY SHAQO WADAAGTA YIHIIN

Marka la fiiriyo dadka kala duwan ee ay howl-wadaagta yihiin SCAWR waxay ku dadaalaysaa inay dhiso nidaam ku dhisan gaaridda yool mid ah oo la isla og-yahay si loo yareeyo caqabadaha ku hor gudban Meesha la higsanayo, gaar ahaan qoysaska aan awoodin inay iska bixiyaan usguulada gaarka loo leeyahay ee ilmaha waxbarshadooda lagu soo dhiso, carruurta la nool waalidiinta Ingiriisiga ku baranaya guriga, shaqo gurigga carruurta loo soo diro (homework) ama kuwa ay ka go'an tahay dhamisystirka howlahaas. Helitaanka deegaan ammaan ah waxay taageeraysaa waxbarashada dhalinyarada sidoo kale abuurida barnaamijyada lagu caawinayo dhalinyarada waxay kor u qaadaysaa kalsoonida ardada dhexdooda iyo macalimiinta. Ka soo qayb-galka balaaran ee dhalinyarada soomaaliyeed



SCAWR 2023 WAR-BIXINTA SAAMEYNTA

“

Marka si dhab ah loo fiiriyo, tani waa wada-shaqayn dhab ah iyo inaan ogaano cid waliba waxa ay qabanayso, xaqiiqdii waxaa jirta isku kasooni dhab ah oo aan la qiyaasi Karin. Haddii arini soo korodho si wada jir ah ayaan wax uga qabanaa. Aniga ahaan tani waa arin aad iigu wayn. Barnaamij kale, ma ogi haddii qof kale uu ila qabo. SCAWR, waxaa jira dad badan oo xiisa u qabo in haddii dhibka jira ay wax ka qabtaa

”

44

SCAWR waxay u fududaynaysaa qoysaska inay ka soo qayb-gaalaan arimaha badan sida ilaalinta carruurta (childcare), tignoolajiyada, ama kombuyuutarka taas oo u ogolaanaysa dadka ka soo qay-galay inay is bartaan iskuna xirmaan dhexdooda. Waa arin mar la arag ah

77

iyo dadka waawayn ba waxay dhiirigelinsiiyay in SCAWR ay la wadaagto barnaamijyo kale sida ballaarinta isku xirka bulshada iyo inay iska diiwaan geliyaan barnaamijyo kala duwan oo si wanaagsan ku soo dhamaaday.

Dadka ay wad-shaqaynta leeyihiin SCAWR waxay leeyihiin isku-xirnaan dhamaystiran, wadaagida arimaha saamaynta leh iyo ka go'naanta la shaqaynta hay'ad gun-dhigeedu yahay adeega bulshada. Wax badan ayay ka qayqaadatay mudadii dheerayd ee ay howlahan ku jireen laga soo bilaabo barnaamijka akhriska, abaalmarin kasta oo ay heleen waxay dib ugu noqonaysaa barashadooda ay ku gaareen ka qayb galkooda wanaagsan.

Tusaale ahaan, ka qaybgalayaasha qaarkood waxay ka shaqaynayeen goobaha shaqada (home club) mudo tobanaan sano ah, iyagoo horumarinaya jidka xirfad-dhiska ee ay ku gaarayaan ISKAA WAX U QABSO waxbarid ee lagula shaqaynayo bulshada, si gun dheerna loo kaalmaynayo safarka waxbashi ee ardada. Kuwo kale waxay baraan kombiyuutarka ama waxay fududeeyaan hal-abuur akhris-qoraal, iyadoo ujeeddooda tahay inay xoojiyaan waalidiinta si ay awooda ugu yeeshaan ilaha waxbarashadda carruurtooda. Waagida dareenka dadka aan howl-wadaagta nahay waxay xoojinaysaa markhaati cadna u tahay horumarka la taaban karo iyo saamaynta togan ee dadka aan wada shaqayno ay ku bixinayaan jiritaanka SCAWR, dhiirigelinta socdaalkooda ay kaga qaybgelayaan mudada dheer.

Ka qayb-galayaasha waxay si guud isugu raacsan yihiin dareen ah in bulshada lagu horumarin karo barnaamijyo si qoto dheer, loo siiyo dadka wax baranaya goob ay ku dhisaan xiriirkooda si caadi ah isugu yimaadaan ama ku kulmaan oo siisa dareen xoog leh oo ay leeyihiin.



“

dadka wax baranaya waa qeyb ka mid ah bulshada gudahooda ayeyna is dhisayaan ayadoo lala qabo barnaamijka akhriska.

Markasta waxey heleyaan jid toobiyo ah oo ay qeyb kaga noqdaan hab dhaqanka bulshada iyo waxbarashadeeda ayagoo dareemaya in ay yihiin qeyb kamid ah bulshada taasi waa arin aad u xiiso badan oo aad ku arkeysid sida ay saaxiib u yihiin

Kaliya marka uu aasaaska cunuggu ku xoogeysanayo wax akhris-qoraaleed, dhab ahaantii ma ku guulaysan karaa. Waxaanu isku dayaynaa in aanu xoojino aasaaskaasi, bulshaduna waxay taasi u sahlaysaa inay ka faa'iidaystaan heerarka ay wax ka qabtaan.

”



SCAWR 2023
War-bixinta Saameynta

Inkastoo lagu guuleystay dhisidda bulshada, caqabadda ugu muhiimsan waxay ka jirtaa helitaanka maalgelin joogto ah. Barnaamijyadan, oo ay inta badan iska indha tireen deeq-bixiyeyaasha, waxay taageero toos ah siiyaan xubnaha bulshada la hayb-soocay, lagama maarmaana ka dhi-gaya maalgashi balaaran iyo koboc.

Iyadoo la eegayo horey, wadahalada u dhexeeya la-hawlgalayaasha iyo SCAWR waxay ujeeddadu tahay in la tayeeyo muddada barnaamijka, iyadoo la tixgelayo jadwalka xubnaha bulshada iyo baahida wax-barasho. Isu dheellitirka mudada fadhiga oo leh waxyaabo dhamaystiran ayaa weli ah mudnaanta koowaad. SCAWR iyo saaxiibadeeda ayaa sidoo kale isku dayaya in ay qiimeeyaan meelaha kale ee mudnaanta leh, sida ugu wanaagsan ee loo sugi karo tababarayaal muddo dheer ah iyo sida loo soo bandhigi karo faa'iidooyinka ay bulshada u leeyihiin ka qayb-gallada mutadawiciinta ee ku saleysan bulshada.

Guud ahaan, iskaashiga SCAWR wuxuu ahaa mid si wadajir ah u taajiray, wadashaqeyn aan xuduud lahayn iyo doorar wadaag ah, fududeynta kalsoonida iyo xalinta dhibaataada wax ku ool ah. Ka go'naansaha gaari-taankeeda, fududeynta ka qeybgalka iyo ka qeybqaadashada bulshada ayaa tusaale u ah waxyaabihii u gaar ahaa iyo guusha qaabka iskaashi ee SCAWR.



ARAGTIDA HOYOYINKA SOOMAALIDA: BARNAAMIJKA WAX AKHRISKA

Ka-qaybgalayaasha barnaamijka wax akhris-qorista - hooyooyinka Soomaaliyeed ee u heelan taageeridda carruurtooda, qoysaskooda iyo bulshadooda - waxay la wadaagaan caaqabado qotodheer oo iyaga, iyo carruurtooda, ay la kulmeen ka hor intaysan ku biirin SCAWR. Dhibaatooyin badan ayaa soo maray in ay helaan taageero iyo kheyraad asaasi ah, iyo dareenka in ay ka go'een bulshada Soomaaliyeed. Waxaa intaa dheer, in waalidiintu ay u arkeen inay ku adag tahay in ay carruurtooda ka caawiyaan shaqada guryohooda oo ay sabab u tahay caaqabado kala duwan oo ay ka mid yihiin afka oo ku adag,

waxbarashooyin hore u jiray oo aan dhicin, caaqabado xagga farsamada ah iyo caaqabado wakhtiyada ah.

Qaar ka mid ah hooyooyinka waxay muujiyeen halganka ah in la caawiyo carruurta guriga joogta, iyo in xoogga la saaro kala-duwanaanshaha u dhexeeya deegaannada waxbarashada guriga iyo qaab-dhismeedkiisa, waxbarashada diiradda lagu saaray ee uu bixiyo barnaamijka shaqada guriga ee SCAWR:

“

Way adag tahay in la caawiyo carruurteena markay guriga joogaan.

Halkan waxaan ku haystaa afar caruur ah oo ka faa'ideysanaya barnaamijka shaqooyinka guriga.

Runtii waxey waxtar u tahay aniga iyo caruurta.

Way adag tahay inaad caawiso ilmahaaga guriga jooga marka aad adiguba aanad haysan luqada ama waxbarashadii horeba.

Tani waa mid caawisa.

”

Tani waa waaya-aragnimo guud ahaan ka jirta bulshada Soomaaliyeed oo dhan. Caruurta guryaha markey joogaan ma ahan kuwa u heelan hawsha, mana ahan mid la mid ah waxa uu barnaamijku bixiyo. Sidoo kale, ugu yaraan barnaamijka shaqadda guriga ee 2 saacadood, waxay diiradda saaraan barashada halkii ay ka noqon lahaayeen shaashadooda.

19%

boqolkiiba dhalinyaradii Muslimiinta Madowga ahayd ee ka jawaabayay waxay sheegeen in aysan ka helin taageero waxbarasho oo ka yimaada qoyskooda mar walba ama inta badan

Dareenkan waxaa la wadaagaa hooyooyin badan oo aaminsan in barnaamijka caruurta ee ay fidiso HAY ADDA SCAWR ay tahay mid muhim ah maadaama ay bixinayaan meel heegan ah oo ay caruurtoodu xooga saari karaan wax-barashada iyaga oo aan wax soo qorin, halkaas oo ay kobcin karaan xiriirka iyo xiriirka ay la leeyihiin asxaabtooda soomaaliyeed, iyo halka sare u qaadidda waxbarashadooda laga hormarinayo.

SCAWR waxay sidoo kale tixgelisay waqtiga iyo fursadda ay ku habboon tahay hooyooyinkan, oo carruurtooda inta badan keena barnaamijka, si ay uga qayb qaataan barnaamijyada ku habboon. Barnaamijka wax akhris-qoraaleedku wuxuu noqday meel muhiim u ah hooyooyinka si ay u sahamiyaan waxbarashadooda shakhsi ahaaneed iyo isku xirnaanta iyagana - fursad muhiim ah oo lagu tilmaamay inay tahay mid la la'yahay ka hor inta aysan ku lug lahayn SCAWR.

Guud ahaan, ka qaybgalayaashani waxay si wadajir ah u muujiyeen saamaynta isbadalka ee barnaamijyada SCAWR, iyagoo ku tilmaamay natiijooyin kale oo wanaagsan una soo baxdey iyaga iyo carruurtooda labadaba. Waxay garteen horumarinno muhiim ah sida helitaanka xirfado cusub iyadoo loo marayo barnaamijyada, kobcinta iskaashiga xubnaha bulshada, iyo dareenka lahaanshaha iyo, iyo helitaanka taageerada kheyraadka asaasiga ah iyo gudbinta. Ka qaybgalayaashu waxay sidoo kale muujiyeen hoos u dhac weyn oo ku yimid walaaca, iyo niyad-jabka maskaxda ah, taas oo u suuragelinaysa inay wax si fiican uga qayb qaataan dowladnimada deegaanka iyo arrimaha bulshada.



“

Ka qayb galku wuxuu ka caawinayaa culayska sababtoo ah waxaad la joogeysaa faca aad isku filka tihiin. Had iyo jeer ayeynu kali ku nahay caruurteena maalinta oo dhan waana mid aad u daal badan. Waxay kaa caawineysaa inaad banaanka u soo baxdo oo aad la hadasho asxaabtaada oo aad ku xirato.

”

Markhaatifurkii ayaa sidoo kale muujiyey xaalado muhiim ah oo ay ka muuqatay ka qaybgalka barnaamijku, sida helitaanka Gargaarka Degdegga ah iyo xirfadaha CPR taas oo u sahashay ka qaybgalaha inuu badbaadiyo noloshu cunuggooda inta lagu jiro xaalad degdeg ah, iyadoo muujinaya saamaynta wax ku oolka ah iyo sida ugu dhaqsiiyaha badan ee barnaamijyada.

Ka qayb galka barnaamijyada SCAWR waxay si wayn u yareeysaa culayska ka-qaybgalayaasha iyada oo la siinayo jawi ay ku xirmaan asxaabta ayaga oo kale, baran karaan, qosli karaan, kuna dareemi karaan dareen ka-mid ahaansho, ka saamaxaya walaaca maalinlaha ah ee maareynta qoysaska iyo daryeelka caruurta.

Waxa kale oo ay ka qaybgalayaasha barnaamijka la wadaageen qaabab kale oo SCAWR ay ku taageertay iyada oo la adeegsanayo adeegyo toos ah oo la xidhiidha guryaha iyo soo-galootiga, kuwaas oo sidoo kale qayb ka qaatay arrimo ku saabsan walaaca guud ee ay qabaan.

Marka la fiiriyo mustaqbalka, ka qaybgalayaashu waxay muujiyeen rabitaano barnaamijyadooda hore, mudada dheer oo xiisad ah, iyo ballaarinta barnaamijyada carruurta, iyadoo xusay raaxada iyo muhiimadda ay hawlahani u leeyihiin carruurtooda. Ballaarintan waxaa si gaar ah ugu jira fursado ay carruurtoodu u helaan fursad ay ku bartaan, kuna xajiyaan afka Soomaaliga iyada oo loo sii marayo barnaamijyada dhammaadka todobaadka. Waxay sidoo kale muujiyeen rabitaan ah in la helo kulamo bulsho badan oo loogu tala galay hooyooyinka ee bulshada ku dhex jira, oo laga yaabo in kulan shaah ama kafeega ah la sameeyo.

Hamida mudada dheer jirta waxaa ka mid ahaa isbedelka SCAWR oo ah madal ay uga faa'iideysato kaalmaynta qurba joogta xilliga qalalaasaha, taageeridda kaalmooyinka wax ku oolnimada ah ee la beegsanayo ee loola jeedo Soomaaliya. Sidoo kale, hooyooyinku waxay ka dhigtaan madal ay kafaalo qaadaan oo ay udub dhexaad ka noqdaan xubnihii Soomaaliyeed ee ka go'ay qoysaskooda.

“

Xataa innaga oo qaana-gaar ah, waxaa muhiim noo ah inaan is-aragno oo aan la hadalno qof ku hadla afkeenna.

Horaantii, deegaankaasi kuma badnayn dadweyne Soomaaliyeed oo aanaan ku xirnayn. Marka la eegaayo SCAWR, bulshadu aad ayey uga xoog badan tahay. Bulshada noocan ah kuma aanaan arkin meelo kale.

Waxaan ka soo guuray magaalo kale – ma aanaan aqoon meel aan aado iyo waxa aan sameeyo; Waxaan ku xirmey iyaga, waxayna iga caawiyeen inaan helo guryo aan awoodo.

Ka hor inta aysan SCAWR furin, aad ayay u adkeyd in la helo ilo, aan ogaano meesha la tago, ama aad caawimaad u hesho. Hadda, adeegyada tooska ah, wax waliba waa la heli karaa. Wax waliba oo aanu u baahanahay, waanu tagi karnaa SCAWR

”



ARAGTIDA DHALLINYERADA KA QEYBGASHA SCAWR

Sida lala wadaagayo warbixinta oo dhan, waxaa jira dhowr qodob oo macluumaad laga uruuriyay daraasadda dhallinyarada Madowga Muslimiinta oo hoosta ka xariiqeysa caqabadaha dhinacyo badan leh ee ay wajahaan dhallinyarada Soomaaliyeed ee ku sugan gobolka Waterloo. Si kastaba ha ahaatee, xogta tayada iyo tiro ahaaneed ee laga soo aruuriyay dhallinyarada ka qayb qaadata barnaamijka hawlaha guriga ee SCAWR waxay qayb ka yihiin saameynta togan ee ka qaybgalkooda barnaamijku ku yeeshay waxqabadkooda waxbarasho, kobcinta xirfadooda, iyo dareenka xiriirinta bulshada, iyadoo lagu salaynayo jawi waxbarasho oo taageero leh oo ay bixiyeen SCAWR iyo la-hawlgalayaasha.

Ka qaybqaadashadooda barnaamijyada SCAWR waxay u muuqataa inay bixiso jawi taageero leh oo aan ahayn oo keliya in uu gacan ka geysto hormarinta tacliinta balse sidoo kale kobciya isku xirnaanta bulshada iyo dareenka bulshada ee ardayda. Dhallinyaradu waxay la wadaageen sababo badan oo ku saabsan sababaha ay uga qeyb galaan barnaamijyada SCAWR iyo sida ay barnaamijyadan u saameeyeen. Tusaale ahaan, faa'iidooyinka kalluumaysigooda waxay keentay:



SCAWR 2023 WAR-BIXINTA SAAMEYNTA





Helitaanka si ay uga caawiyaan su'aalaha ay caqabad ku yihiin shaqada guriga ee nidaamka taageerada ee habaysan.



Dhisidda xiriirka ay la leeyihiin gayaankooda, halkaas oo ay ka caawin karaan midba midka kale, abuurista jawi waxbarasho oo taageero leh.



Horumarka waxqabadka tacliinta, oo ay ku jiraan fasalada wanaagsan iyo aqoon korodhka ku saabsan sida loo maro imtixaanada.



Lahaanshaha waqti waxbarasho oo u heelan iyo taageero shakhsiyadeed oo aan laga heli karin goobaha fasalka ee waaweyn ee dugsiga.



Dhiirigelinta iyo jawi waxbarasho oo siyaado ah oo ka fog guriga, taas oo gacan ka geysanaysa diiradda iyo wax-soo-saarka wanaagsan.



Fursadaha bulsho, samaynta saaxiibo cusub oo ka socda dugsiyada kala duwan, iyo ku riyaaqista isdhexgalka asxaabta.




Gargaar tacliimeed oo gaar ah maadooyinka adag sida kimistiriga, xisaabta, iyo bayoolajiga, oo ay weheliso taageero aan toos ahayn oo maaddooyinka kale oo ay lawadaagayaan gayaan kooda.

Dad badan oo ka soo qaybgalay ayaa sheegay in ay ku faraxsan yihiin sida uu barnaamijka gacan uga geysteen maadooyin gaar ah, gaar ahaan sayniska iyo xisaabta. Waxay dareemeen inay ku taageerayaan fahamka agabyada fasalada iyo dhameystirka hawlaha shaqooyinka. Qaar ka mid ah waxay muujiyeen horumarin ku saabsan fasalladooda, iyadoo xusay koror weyn oo lagu sameeyay waxqabadka waxbarasho ka dib markii ay ka soo qayb galeen barnaamijka. Waxay sidoo kale heleen macalimiinta inay yihiin dad naxariis leh, waxtar leh, oo dulqaad leh, xitaa marka ay la macaamilayaan arday badan oo isku mar ah.



Waxaan si wacan ugu horumarayaa iskuulka - waxaan wax ka baranaa barnaamijka in ka badan tan aan ku barano barnaamijyada kale ee wax barashada.



Xogta sahanka ee 42 dhalinyaro ah oo ka qayb qaadata barnaamijka shaqada guryaha waxay xoojineysaa natiijooyinkan

Dhallinyarada ka qaybqaadanaysa barnaamijyada SCAWR ayaa sidoo kale ajiimaynaya jawigii soo dhawaynta iyo kan ugu adag marka la barbar dhigo fursadaha kale ee wax barista, kuwaas oo baabi'inaya fursadaha dhallinyarada si ay ugu xidhmaan heer qof ama mid bulsho. Waxay aad u ajiimaynayaan fursadda ay ku laxiri karaan asxaabtooda Soomaaliyeed, maadaama aysan had iyo jeer fursad u laheyn inay la falgalaan midba midka kale sababtoo ah sida ay ugu kala firidhsanyihiin gobolka Waterloo – tani waxaa si gaar ah u bixisay SCAWR oo aanay ku jirin barnaamijyo kale oo ku saleysan waaya aragnimadooda.

Ka-qaybgalayaasha kooxda diiradda dhallinyarada ayaa sidoo kale la wadaagay danahooda iyo farxadahooda ku saabsan barnaamijyada kale ee SCAWR, sida barnaamijyada ciyaaraha, iyo xiisaha ay u leeyihiin ballaarinta barnaamijyada isboortiga si ay ugu soo daraan cayaaraha kale sida kubadda kolayga.

Iyadoo ay aad ugu qanacsanyihiin kuna faraxsanyihiin ka qeybqaadashada barnaamijyada hawlaha guriga ee todobaadkan, ayaa ka qeyb galayaasha dhallinyaradu waxay soo jeediyeen dhowr dhinac oo sare u qaadi kara dhiirrigelintooda. Waxay muujiyeen inay xiiseynayaan in la qabto wax fudud oo la heli karo inta lagu jiro fadhigada iyo, mararka qaar, dabacsanaan xoogaa dheeri ah oo ku saabsan muddada barnaamijka, gaar ahaan xilliyada iskuulka ee mashquulka badan. Waxaa intaa dheer, waxay doonayaan fursado ay si qoto dheer ugu dhuumanayaan mowduucyo gaar ah ama danaha la xiriira manhajkooda oo laga yaabo in aysan noqon maadooyin caadi ah sida Xisaabta ama Ingiriisiga. Habkan loo yagleelay wuxuu kordhin karaa ka qaybgalkooda wuxuuna u hormarin karaa danaha gaarka ah ee waxbarasho.

95%

boqolkiiba dadka soo jawaabay waxay aad ugu qanacsanaayeen barnaamijka taageerada hawlaha guriga

95%

boqolkiiba dadka soo jawaabay waxay aaminsan yihiin in fududeeyayaasha / shaqaalaha hagidda ay wax ku ool ahaayeen

95%

boqolkiiba dadka soo jawaabay waxay wadaagaan in taageerada la siiyay ay la xiriirto wax ka qabashada baahidooda waxbarasho

95%

boqolkiiba dadka soo jawaabay waxay aaminsan yihiin in fududeeyayaasha ay sameeyeen soo dhaweyn loo dhan yahay

93%

boqolkiiba dadka ka jawaabay waxay ku xiran yihiin kuwa kale ee barnaamijka ah

93%

boqolkiiba dadka soo jawaabay waxay dareemaan dareen xoogan oo ah in uu ku yeesho bulshadooda

93%

boqolkiiba jawaabeeyayaashu waxay heleen aqoon, waxbarasho iyo / ama xirfado khuseeya waxbarashadooda / dugsigooda

91%

boqolkiiba dadka la soo jawaabay waxay sheegeen in xiriirka ay la leeyihiin dadka kale uu hagaagay sababta oo ah ka qaybgalkooda barnaamijka

44

Sanadkii hore, waxaan helayay boqolkiiba 50. Ka dib markii aan ka qayb galay barnaamijkan, waxaan helay 70 boqolkiiba dhamaadkii semesterka. Waxaan kor ugu kacay boqolkiiba 20. Barnaamijkan aad ayuu wax u tarayaa.

Mar walba ma arki karno caruurta kale oo Soomaali ah sababtoo ah kuma noolin meel isu dhow, mana helin inaan la joogno carruurta kale ee Soomaaliyeed haddii aan barnaamijyadaas la socon.

Waxaan dareemayaa dhiiranoon ku aaddan inaan guriga ka maqnaado si aan u shaqeeyo shaqadeyda guriga sababtoo ah waa jawi waxbarasho oo aad iigu fiican, la joogistana agogaarka asxaabtayduna way la caawisaa. Maadooyinkan oo kale ayaanu iska caawinnaa, sida xisaabta, xitaa maadooyin kalle.

Aniga ahaan, waxaan ku riyaaqsanahay in jaaliyadeyda la hareer joogto

Waxaan kor u qaaday xirfado badan oo aan ku barto qalabkan fasalkeyga dhexdiisa. Barnaamijka shaqadda guriga ayaa fahan fiican iga siiyay waxa aan qabanayey.

Barnaamijka [shaqada guri] waa meel furan, runtiina dadku way ku caawiyaa.

Waxaan sameeyey saaxiibo badan barnaamijki kubadda cagta darteed.



SCAWR 2023 War-bixinta Saameynta

22%

boqolkiiba dhalinyarada Madowga ah ee ka jawaaba dhalinyarada Muslimiinta ah waxay la wadaagaan in xirirka ay la leeyihin macalimiintooda uusan ahayn mid wanaagsan



77







SOMALI CANADIAN
ASSOCIATION
OF WATERLOO REGION

SCAWR 2023
War-bixinta Saameynta

Contact us

scawr@scawr.ca

519.279.4046

44 Gaukel Street, Suite 230
Kitchener, ON N2G 4P3

